



Isumassarsiullaqqissoq allannguerusussusilillu

Hans Jørgen Mathæussen Upernavimmi quersuarmi aqutsisuuvoq, ukiullu 25-it Pilersuisumi sulisuulluni.



Hans Jørgen allaffimmini.

Hans Jørgen Upernavimmi inunngorpoq peroriartorlunilu, 2020-milu Pilersuisumi ukiuni 25-ni sulisimanerminut atatillugu nalliuttorsiorpoq.

- 1992-imi quersuarmut suliartoqqaarpunga, ullullu arlaqanngitsut qaangiummata nioqqutissat akitsuutillit, tassa viinnit, imigassat, mamajukujuttut tupallu quersuatsinni akisussaaffigilerpakka. Kingorna STI-mi sulisunut sinniisunngornikuuvunga, aammalu sullivinni isumannaallisaanermi sinniisuunikuullunga 1999-ip tungaanut, Hans Jørgen oqaluttuarpoq.

Piffissap ingerlanerani Hans Jørgen ilinniagaqarusulerpoq.

- Taamanikkut imminut oqarfigivunga, *taamannaannaq ingerlasinnaanngilatit ilinniagartariaqarputit*. Niuernerup qarasaasialerinerlu tungaatigut ilisimasakka amigarsorigakkit atorfimmilu qaffanniaruma ilinniarneq aqutissaammat, aalajangerpunga HK assistentitut ilinniassallunga, Hans Jørgen oqaluttuarpoq.



Taamaasilluni 1999-imi Hans Jørgen Upernavimmi TNI-mi atualerpoq, kingornalu quersuarmi, al-laffimmi pisiniarfimmilu praktikkerneq ingerlappaa. Hans Jørgenip ilinniarnini 2002-mi naammas-sivaa quersuarmilu assistentitut atorfinilluni.

Isumassarsiullaqqinneq

Hans Jørgenip meeraallunili maluginiarsimavaa assut isumassarsiullaqqissuulluni imminnullu ata-qatigiissumik eqqarsarsinnaassuseqarlualuni. Taakku piginnaasat kingornatigut assigiinngitsutigut iluaqutigisarsimavai, imminerminuunnaangitsoq aammali suliffigisamut iluaqutaasartumik.

- Quersuarmi ittorisarput allamik atorfinimmat atorfik soqutigalugu qinnuteqarama 2003-mi quersuarmi pisortanngorpunga. Kingornalu pisiniarfimmi pisortaq suliunnaarmat piumaffigineqarama atorfinitsitsisoqarnissaata tungaanut quersuup saniatigut pisiniarfik nakkutigissagiga taamaaliorni-kuuvunga, kingornalu piniarfimmi tullersortitut atorfinippunga, Hans Jørgen oqaluttuarpoq.



Hans Jørgenip Suliassat Akisussaaffillu saqqummiukkai.

Hans Jørgenip aqutsitut ilinniartitaanerit marluk aamma ingerlannikuuai, sullivimmilu isuman-naallisaanermi ilinniartitaaneq marloriarlugu aamma ingerlannikuullugu taamatullu Suliassat Aki-sussaaffillu KNI-p ingerlatilermagu atuutsitsiniaqatigiinnut ilanngunnikuuvoq.

2008-mi pisiniarfiup pisortasaanik ujaasisoqalermat Hans Jørgeni qinnuteqarpoq.

- Pisiniarfimmi pisortatut atorfinitsinneqarpunga, 2010-llu tungaanut taanna atorfigaara, kingorna tunuarnikuuvunga allamillu misileerusukkama allami atorfinillunga. Taava 2013-imi quersuaq pi-sortassarsiunneqarmat quersuarmi pisortanngorpunga, ullorlu manna tikillugu atorfigalugu, Hans Jørgen oqarpoq.

Hans Jørgen allannueqataarusussuseqarlualtuuvoq, piginnaasanilu atorsinnaalluarlugit misigisi-malluartarami sulinini pilluarnarisarpaa.



- Nuannaarlunga suliaortarpunga. Aasaanerani umiarsuaqartillugu tunuarsimaangisaannarpunga umiarsuaq unnukkut tikissappat suliaortornissannut, suleqatikkami naatsorsuutigisussaavakka suleqatimmalu naatsorsuutigisussaavaannga, taamaattumillu ikorfartuinissannut piareersimaju-aannarpunga, oqarpoq.

Hans Jørgenip isumassarsiullaqqinnini atorluarpaa, soorlu sullivinni isumannaallisaanermi Nunap Immikkoortuani Avannaani sulisitsisut sinnerlugit sinniisuunermini, sullivinnilu isumannaallisaa-nerup tungaatigut pikkorikkami Nunap Immikkoortuani Avannaani sunniuteqarluartuuvog.

- Isumassarsiakka qujanartumik tigulluarneqartarput, Hans Jørgen naggasiivoq.



Hans Jørgen sullivinni isumannaallisaanermi sunniuteqarluartut ilagaat.